

S.60.u)
6/14:

465

60

1.
indexed

K31/146

pp. 1-2.

History of Bereng.

Michael Mphuthing.

1. 100-16

Monghali bakeng sa kopo ea 'Muso bakeng sa History, ke hlahisa Bereng hore li bonoe haeba li lokela ho kena:-

Monna eno ea bitsoang Bereng Mafole o na hlahele Khukhune ha Joele. Joale ntatae a rata ho fallela ho Jonathane eare ka ha Joele ba ne ba utloane le Jonathane a re o tla nka khomo tsa hae ha a ka fallela ha Jonathane, joale a etsa legheka la hore o ea motebong a tloha le mohlape oa hae a fihla Malibamatso a theosa noka eo a ea fihla seterekeng sa Jonathane a haha teng, Joale Bereng ha a kena bonna morena Jonathane a mo neha sebaka seo a tsoanelang ho se busa. Ha a qala ho loana, o loanne le Lehloara Manngoe ea neng a busa sebaka sa Joele se ka loting. O nehetsoe ke Tumo Jonathane a tlohile ha hae Fobane ho ea tsoma liphofu ka loting, a fumana hore Lehloara o sa ntse a inkela naha ea Ntatae. Ke mohla Bereng a tla ithoka a re:- Na ke poho tsang li loanang joalo li loang mohehle - hehleng. Bereng a ba nka a ba liketsa Kokobe. Lehloara a balehela ruri.

Joale a boela a romela Leoma Mosutoa Morena Jonathane ha a utloa hoo a romela ka sebele sa hae hore Bereng a tebele Leoma moo Matsoku, ea loana Leoma a hloloa. Bereng a mo hapela likhomo tse mashome a mahlano a metso e supileng a li romela moreneng. Ke ha a tla tsepua haholo ke Jonathane. Joale Bereng e ne e le setsomi se seholo, o bile a nyala mosali oa bobeli ka khomo tsa botsomi ba hae. O na rekisa matata le matlalo a liphoofole a reke likhomo. Feela ka tsatsi le leng o kile a hlaheloa ke tsietsi a tsoa tsoma e le bosiu. A teana le noha ea metsi (khanyapa), ea mo sola hoo a neng a qete khoeli tse tharo a sitoa ho tsamaea. Moraonyana

ho/...

S.60.
6/147

2.*

K31/14

2*

ho tseo a shoa ka makhetlo a mabeli feela e seng ka
tsatsi le le leng a shoa habeli empa ka khoeli tse
papaneng a ntse a qeta letsatsi lohle a shoela, a tsohe
ka phirimana. Kamorao ho tsena batho ba bona a se a
haha kereke eena ka sebele sa hae, ha a e qeta a kopa
baruti ba chache hore ba amohele kereke eo ba rute bana
ba hae. Baruti ba thabela taba eo.

2. Bakeng sa mosebetsi teng a tseba eohle e
neng e sebetsoa ke Basotho a tile a tseba lipitsana tsa
letsopa. Seterekeng sa hae o lemile meluoane e mengata.

Lithoko tsa hae ke tsena:-

praises

Poho ea tsukutsoane ea mokherane, ra Monkhe le Rasekoli
ea Pake le Mokiba ra Matsole le Mpanana ea Tekela le
Rafanyane. Poho ena ho hlaba e ea tseba e ikhasaka
ka lerole molala,
Mohlankana molala boreleli 'na molamu ke tsoere oa
tsepe o ntso kalama liqhoba; tse melala liqhobane.
Mantsonyane ka hare e ntse e itebetse Ho lihloare le
mekebe ha re tsebe, Ho likubu ho rapelloa likoena ba
ntse ba re likoena li li je li li qete, Tsa
furallana likoena tsa merora; Tsa furallana tsa nyekana
melala, Ho na be ho bua malome Fobane a re na le
uena ngoanana ua talima na ke poho tsang li loanang moo
ho leng joalo Tsa hla tsa loana hampe Mōhehlehehleng,
Hara majoe a mabe a joalo. Na ke ea heso e hlabang
poho ena naka le ka tsoa le mali le mosoang, ho na
le phapooane Ho na le phio ho bile ho na le ntlha ea
lebete. Thunya sa lla ho ntata Rathebe tsoapong la
thaba tlas'a motse oa ngoana Mabula Mohlankana e
mocha thaka mohohla, na ke thaka mohohla oa Rantahl
thaka ngoan'a Tsola oa mohlankana, ke hapa likhomo
thaka Khelenya ke hlola ke bona mehlolo naheng, ke
bale tsatsi le le leng. Ke bua le lona bahlankana
beso, re tla tsoara mali re tla khenethela Re sa tla
boea re tsoara sefubelu ka batla ke iphethola mosehlelo.

end s 60